



# Комсомолю Вайгяль

Сембе масторонь пролетарияте, пуромода марси

ЛИСЕНДИ VIII-це КИЗОСЬ

ВЛКСМ-нь Мордовский  
обкомъ и Саранский  
горкомъ газетасна.

Адресъ: г. Саранск, Советская ул.,  
Дом печати, Телефон № 1—60.

ПИТНЕЦ 5 тр.



ЛИСЕНДИ КОВТИ 12-ксть

## Панжевсь идень творчествань республиканский олимпиадась

Июль 9-це шистонза Саранск ошса панжевсь идень творчествань республиканский олимпиадась. Тя олимпиадась няфтьсы массовой самодеятельностень творчество расцветонъ и сонъ лучшай образецонзон, иттенъ массовой самодеятельностенон и творчестваснон сядатов касоманц искусствань, наукань, техникань областтненъ эса.

Идень творчествань олимпиадась организовандамац нинге вестъ няфнесы ся кельгомаць и алянъ заботать, конанъ советский жизнерадостнай детворати няфнесазъ партиясь, советский правительствась и сонъць, советский счастливый иттенъ вожаксна и кельгома алясна Сталин ялгась.

Тя оцю важностень тевть аф кржа школат, комсомольский и пионерский организацианъ васьфтезь достойнайста. Синь сатсь цебяръ результатъ тонафнемаса и иттенъ самодеятельностенон сядатов касфтомаса. Достаточна азомс, што идень творчествань олимпиаданъ участникне пцтай 100 процентс тонафнемаса отличникъ и ударникъ.

Идень творчествань олимпиадась васенце шинь эсь работанц ушедозе Ковылкинский средний школанъ идень самодеятельностъ выступленияся. Синь народнай инструментонъ оркестрасна высокая мастерстваса исполнил лама жорхт, кода: „Песня о Сталине“, „Неополетанская песенка“, „Марш железнодорожника“ и лият.

Олимпиадасы тяфтажа цебяръста выступали Zubovo-Polyanskiy, Ljambirskiy, Romodanovskiy райононъ Курилова и Саранский райононъ Посоп велень средний и Рузаевский райононъ Левжа велень аф полной средней школанъ ученикне. Нят ученикне няфтезь, што синь ули огромнай талантсна и способностсна наукань, техникань, искусствань сембе областтненъ эса.

Но тяфтажа сави азомс, што школанъ и комсомольский организацианъ кой-кона руководителхне иттенъ уликс талантснот сядатов касфнесазъ йофси аф сатомшкаста. Тянь пях яркайста няфтезь Ардатовский средний школанъ ученикне-олимпиаданъ участникне, конат сембе программаснон исполнили калдывста.

Олимпиадаты тяфтажа пях калдывста анокласть Ельнинковский райононъ школатневок. Тяса районнай олимпиадаске йотась пях калдывста.

Комсомольский организацианъ и школанъ преподавательский коллективне должетт идень самодеятельностъ марха работамс нинге сядонга вииста, упорнайста, штоба сядатов тя тевса синь няфтельхть нинге сядонга оцю плодотворность.

Кона комсомольский организацианъ иттенъ самодеятельностснот келептемаса шарьхкодезень эсь задачанзон, ся организацианъ тя тевти ащесь и ащи рулевоикс.



Идень творчествань республиканский олимпиаданъ участникне.  
СНИМКАСА: Рузаевский райононъ Левжа велень аф полной средней школанъ мокшень хорсь. Фотось В. Ивенинтъ

## 18. 946000 цалковай государствати

Оцю под“емса Мордовиянь трудяйхне васьфтезь СССР-нь СНК-ть постановленияц од займать нолдаманц колга. Лама районга, кода Атюрьеванъ, Атяшевнъ, Саранскийнъ, Темникованъ и лият-

вень эзга подпискась аделаф.

Мордовиянь трудяйхне макссть государствати 18. 946000 цалковай, Саранск ошсь—3. 887 тыжянь цалковай.

## Панчфт идень яслят

Мокша Мазканя велень „18-це партс‘езд“ колхозонъ правлениясь панчсь идень яслят, конатненъ мархта фатяфт паксяса работай сембе колхозникненъ идьсна.

Яслятненъ эса иттенъ пицанъ примама и ваймама режимсна

йотафневи аккуратнайста. Яслянь заведующайсь—колхозницасъ Е. Кудашкина ялгась иттенъ мархта йотафни фсякай интереснай налксемат.

В. Миряшкин

## Цебяръ организатор

„Сире большевик“ колхозонъ колхозникне, лувомок мелянь кизоня тицень урядама тевса эсь аф сатыксснон, стахановский темпса урядайхть колхознай тицеснон. Башка колхозникне, а инь сембода пях комсомолецне тицень лядемаса нормаснон пяхкотькшнемдасъ вельф.

И. Ф. Невкин комсомолецъ

норманц вельф пяхкотькшнемдасъ башка, колхозникненъ йоткса вяти агитационно-массовой работа. Стахановский трудть организовандамаса и социалистический соревнованиять вишкптемаса Невкин ялгась ащи цебяръ примеркс и инициаторкс.

Тишкин.

Ст. Синдровский район.

## Сембонь колга аф ламнянь

### Пионерхне колхознай работасот

Рыбкийский райононъ „Путь Ленина“ колхозса ушедсть работатне веточнай кормань анокламаса. Васень колма шитненъ эздакиге колхозъ аноклась 7 тоннат. Тя работаса главнай участия примосихть Черемисский школанъ ученикне и пионерхне. Тяса работай 40 пионер.

### Колхозникненъ цебяръста обслуживанияснон иниса

Уборочнай кампаниять пингста минь республикасонк колхозонъ паксятненъ эзга кармайхть функционировать 650 передвижной библиотечка.

Библиотечкатне кармайхть цебяръста обслуживандакшнем колхозникненъ. Колхозникне свободнай пингснон йотафнесазъ клупненъ и морфтома куттненъ эзга.

### Поход Мичуринск ошу

Июль 14-це шистонза Саранск ошень пионеронъ кудсь ушеды поход Мичуринск ошу. Пионерхне активнайста и оцю желания мархта сьорматфтыхть походти участниккс.



СНИМКАСА: Якстеръ Армиянь командирхне вятихть беседа Северной Буковинань крестьятненъ мархта.

### 257 медицинский специалист

Мордовский фельдшерско-акушерский школасъ 1940 кизоня нолдась 257 средний квалификация мархта медицинский специалист. Ня од специалисттненъ йоткса 104 фельдшер и 153 акушерка.

Од специалисттне оцю мыльса тустъ работам Мордовиянь больницатненди и медицинский пункттненди.

### Социалистический паксянь работникт

Тядденъ тонафнема кизотъ Кемлянъ вельхозяйственнай техникумсь нолдась лама специалист минь социалистический колхознай паксяньконъ лангс. 40 ломанц получастъ агрономонъ звания.

Выпускникненъ эзда ломтне, кода Лысенковсь, Захаровсь и лиятне получастъ отличнай ате-статт.

## Ансамбльть работац

Зубово-Полянский средний школатъ вилеса моронъ и кштиманъ ансамбльсь работай 7-це ковсь. Васенда сонъ оркестранц составса лувондовсь аныцек 10 ломатть, а тияни сонъ эсонза лувондови 30 ломань.

Ансамбльть участниконзон оцю желаниясна работамс и тонадомс тевть. Лама тейне савсь работамс, штоба пуроптомс тя ансамбльть.

Тяни ансамбльсь тонафни нотатненъ и 1940—1941 тонафнема кизотъ кармай выступать аныцек нотанъ коряс. Особенна упорна работайхть эсь лангсост солисттве Митяков В., Тюлина В., Писарев Г., Алечкин М., Беляев П., Березин, Прибылова и лия ялгатне.

Эсь работанц пингста ансамбльсь якась кемготува колхозс, выступал райцентранъ клубса допризывникненъ йоткса, культурна обслуживал выборнай, а мекпями тунданъ видеманъ кампаниятненъ, и фалу выступает местнай радиовещаниять вельде.

СЕРГЕЕВ,

Ансамбльть руководителец.



Осоавиахимонъ Центральной Советъ кавалерийский школаса занятияне. СНИМКАСА: Препятствиятненъ продолениясна.

Фотось Л. Великжанинтъ (ТАСС-ть фото-клишец).



## Сембонди кепотъкс

Пожархне эрь кизоня минь колхознай веленьконди каннихть аф кржа убыткат: синь уничтожан-дакшихть лама постройкат, сьорот и лия паршихть.

Пожартъ каршес тюрематн должен улемс полнайста анок эрь колхозсь, колхозниксь. Тяся корх-тави аф формальнойста анок шить колга, а настоящей, деловой анок шить колга.

Коса тя оцю важностень мероприяйтн шири шарфнихть эрявикс мяль велень исполкомтне и колхозонь правленийтне, тоса велесь, эрь кудсь и лия постройкатне шарффт противопожарнай крепостекс. Например, Торбеевский райононь Сургодь велень Сталинть лемса колхозонь правленийсь колхозникнень эзда пуроптсь добровольнай противопожарнай дружина, конань рядонзон эса лувондови лама од и сире колхозникт. Синь сембе лац содасазь эсь обязанностенон и противопожарнай оборудованьят.

Тяда башка, тяся кода общественной, а тяфтажа колхозникнень строенийсна обеспеченахть эрявикс противопожарнай инстру-ментса и средстваса.

Но республикасонк улихть велет, колхост, конатнень руководительсна противопожарнай тевть лангс ваныхть суронь пачк.

„Комсомолонь вайгяльть“ юнкороч Черакшев ялгась Атюревский райононь, Барановка велеста сьормадсь, што такажа велень „Пролетарий“ колхозса противопожарнай инвентарсь боцкятне, насозсь и лиятне ковга аф кондяхтихть, сратфт. Но колхозонь председателсь Кажайкинць тяфтама положенияхть мархта мерат аф примоси.

„Комсомолонь вайгяльть“ тяфтамажа сьорма кучсь Сире Синдровань райононь, М. Мазканя выселкаста Е. Кудашкинць. Сон сьормадсь: „Велень ДПД-ть начальникоц Н. И. Кудашкинць эсь обязанностензон пашкохтькнесьне кальдявста. Сон сембоц обслуживает 4 колхост, но 3 колхознень эзда сонь нийсак пях шуроста“.

Тя тевса тяфтама серьезнай аф сатыкснень машфтомаснон инкса местнай Советтне должетт вятемс эрь шинь тюрема.

# Комсомольский ЭРЯФСЬ

## Перестройкань васенце шитне

ВЛКСМ-нь ЦК-ть XI-це пленумонц „Комсомольский активъ цебарьгофтоманц и комсомольский аппаратъ перестройканц колга“ постановленияц васьфтсь широкой одобрения Мордовиянь комсомолецнень ширде. Предпри-ятиятнень и учрежденийтнень, колхознень, совхознень и МТС-тнень эзга йотнихть комсомольский собраният, коса комсомолецне валдавалс лувонцазь постановления и пленумса тя кизефксть колга ВЛКСМ-нь ЦК-ть секретаренц Михайлов ялгать докладонц, а меле активна обсуждають синь и кемоста критикують работань тя областьса аф сатыкснон. Тяка пингть намечают конкретнай мероприятият эсь практический работаснон цебарьгофтоманцты.

Мельцанский районца „Красный перекоп“, „Борьба за социализм“, Максим Горькийть лемса колхознень эса комсомолецне эсь собраниясост, конат йотафтфт райактивъ лезаксонц вельде, коза ВЛКСМ-нь райкомсь кучсь 28 л о м а н ь, корхтамок пленумть решениянзон колга, азозь, што ВЛКСМ-нь райкомть оцю штатонц и активъ комсомольский работаса аф использовандаманц сюнеда колхознай комсомольский организациятненьди лезакса макс-сесь пях кржа. Сонь представи-теленца колхознень эзга ульсть пях редкай инжикс.

Тяфтама жа собраният йотафтфт Ичалковский райононь пцтай сембе первичнай комсомольский организациятнень эзгавок.

Райкомсь тись соответствующей перестройка эсь работанцты. Васендакиге, ингольденъ отделхнень васте кочкась 4 комиссият, конатнень составсна маластонь пингть улихть кемокстафт райкомть бюронь заседанийсонца. Омбоцесь, штоба сяда сидеста вастекшнемс комсомолецнень мархта, и аф аерфнемс комсомолецнень работаста, райкомсь первичнай организациятненьди сяда сидеста

якамада башка эсь основной работанц кандозе илядти. Ладясь бюронь четтнень ширде райкомса дежурства. Сят мероприятиятнень, конатнень наметил ВЛКСМ-нь райкомсь ВЛКСМ-нь ЦК-ть XI-це пленумонц решениянзон эряфс йотафтомаснон коряс, июльть 12-це шистонза улихть ванфт районнай комсомольский активонь собранияса.

Аф пях проворнайста перестраивает эсь работанц ВЛКСМ-нь Кочкуровский райкомсь (секретарсь Забиякин ялгась). Тяся нинге фалу срхксихть кочкамс ломатть комиссиятненьди, но тячимс нинге фкявок комиссия ашесть пуропта. Виде, райкомсь йотафтсь ни кой-мязра мероприятия пленумть решениянзон реализацияс-нон коряс. Кучсесь 16 комсомолец райцентрань активъ эзда тя тевса велень первичнай организациятненьди лездома. Июльть 11-це шистонза йотафтсь тя кизефксть коряс комсомольский активонь собрания. Аш сомнения, што нят мероприятиятне тисть оцю влияния организацият работанц цебарьгофтоманц шири, но син нинге аньдек кярьмодсть основной тевс, кода азоськ ни, комиссиян тиёмати. Комсомольский массат йоткса сидеста улендемась и лама иля кизефксне эряфс йотафневихть пях лафчеста.

Комсомольский аппаратъ перестройкац, кода и активъ мархта работатъ цебарьгофтомац, эрявикемоста сочетатъ комсомоль иля задачанзон мархта. Тяни, особенно, сьора урядматн анокламатн и сонь цебарь качества и нюрхкяня срокста йотафтоманц мархта. Комсомолецнень йоткса союзнай и трудовой дисциплинать кемокста-манц мархта, сембе одломатнень йоткса 3-це Пятилеткатъ лемса социалистический соревнованияхть развертываниянц и иля задачанзон мархта.

М. Сайгин.

## ТАСС-ть сообщенияц

Халхин-Голса японский авиацият имафксонзон колга.

Японский Домей Цусин агентствась пачфтезе радио вельде, што отмечадондамок японо-китайский войнать колмоце годовщинанц, японский армият печатень отделоц сьормадсь официальной сообщения 3 кизонь пингста военнай действиятнень итогснон колга. Тя сообщенияс рякоц Китайса военнай действиян итокнень даннайснон мархта азф, што „Манчжоу-Готъ и Внешний Монголият границаса японский самолеттне прафтсь 1340 советский самолет и 30 советский самолет тапасть модать лангса“, и сяда тов азф, што японецне Манчжоу-Готъ и Внешний Монголият границаснон лангса имафтсь 138 самолет.

ТАСС-сь уполномоченая азомс, што японский армиян штабть печатень отделонц нят вярде азф „даннайнза“ аф аньдек аф соответствовандайхть действительности, но и ашихть нинге смехотворнайкс. На самом деле Якстерь Армият Генштабонц официальной даннайзон коряс японецне МНР-ть и Манчжоу-Готъ границаснон лангса Халхин-Голть районца 1939-це кизонь майть 15-це шистонза сявомок августь 30-це шинцты модемс имафтсь 589 самолет монголо-советский авиациясь тяка жа пингть эзда имафтсь 106 самолет. Тяда башка 1939-це кизонь августь 30-це шистонза сявомок сентябрь 15-це шинцты модемс монголо-советский авиациясь прафтсь нинге японский 71 самолет. Монголо-советский авиациясь ся пингть эзда имафтсь 37 самолет.

МНР-ть и Манчжоу-Готъ границаснон лангста конфликтъ пингста японецне сембоц имафтсь 660 самолет, а монголо-советский авиацият имафксонза составляют 143 самолет.

## Венгерский газетась воявай странатнень имафкснон колга

„Мадьярорсаг“ венгерский газетась лувондсьне войнать 10 ковоень мо-леманц пингста авиацият общей имафксонзон 7000 самолетонь лув-ксса, конатнень эзда 1500 са-шендови Германиять доляс.

(ТАСС).

## Францияса продовольственной карточкань введениясь

Кода пачфни Гавас агентствась, Францияса маластонь пингть улихть введенаяхть продовольствен-най карточкат.

(ТАСС).

## Китайса освободительнай войнать колмоце годовщинац

Июльть 7-це шистонза китайский народонь освободительнай войнать колмоце годовщинанц пингста Чунцинть ульянза уль-сть наряджафт флагса, лозунгса, плакатса. Ошень площадтнень и перекресткатнень эса йотафневсть летучай митингт, коза пуромкш-несть народонь огромный толпат. Митингт йотасть тяфта жа Китайть лия ошензон эзга.

(ТАСС).

Ответ. редакторъ заместителец И. ЧУДАЙКИН.

## Юнай талантонь смотрсь

Июльть 9-це шистонза Саранск ошть летнай театрасонза республиканский оргкомитетть председа-теленц Соловьев ялгать вступи-тельной валдонза меле панжевсь идень творчествань республикан-ский олимпиадась.

Театрань сценаса Мордовиянь начальнай, аф полный средний и средний школатнень инь лучшей представительсна ушедсть няфне-ма эсь дарованияснон и талантснон. Сценать лангса Ковылкинань рай-онть струнный оркестрац. Ор-кестрсь Чиганашин ялгать управ-лениянц вельде исполнил литера-турнай монтаж. Вишкя кядень цяпамаса юнай зрительхне вась-фнесазь исполненной номерть. Аф кальдявста оркестрсь исполнил и илядыкс вещанзон. Журись сонь кадозе заключительнай вечерс.

Тяфта фкя районць омбоцеть мельга появашнихть сценать лангса и няфнесазь синцень сатфкс-снон, конатнень синь посвящают сянди, кие максозе тяфтама радостнай, счастливый и веселый

эряфть, кинь шивалдонц ала синь-касыхть сталинский питомоцекс, коммунизмань строителькс—тя, Сталинти!

Олимпиадаса участникнень мно-гократнай выступленийсна корх-тай сянь колга, што талантне советский итнень эса аф исчер-паемайхть. Zubovo-Полянский средний школань струнный ор-кестрсь работай аньдек сисем кофт, но сонь эсонза улихть ни аф кальдяв исполнительхть, кода, Прибыловась, Тюлинась, Митя-ковсь и лиятне. Цебарьста испол-няли эсь рольснон Ромодановский райононь Куриловский средний школань 5-це классонь учениксь Еремеевсь, Саранский райононь Посопонь средний школань 2-це классонь ученикатне, Ромоданов-ский, Рузаевский и Лямбирский районца хоронь кружокне. Особа эряви отметить Рузаевский хорть эзда Чертентаева и Адмакина ялгатнень исполненийснон.

Аш кода аф азомс школьник-нень изобразительнай искусствань и юнай техникнень работань выс-тавкаснон колга. Синь работасна представляет оцю ценность. Тяся

можно няемс вышивкат, мо-дельхть, плакатат, картинат, фо-тографический работат, конструк-цият и ст. тов. Аф безинтересна зрительсь ванцц паннотъ—„Ста-лин ялгась и итне“, конань ти-езь Саранск ошень пионеронь ку-донь рукодельнай кружоксь—А. Холоповась, З. Афонинась, З. Колмыковась и лият. 12-це № школаста (Саранск ош) ученикне Коля Фалилеевсь и Слава Евдоки-мовсь тийсть звуковой генератор и телевизор. Zubovo-Полянский райононь ученикне: Забатуринць, Журавскийсь, Ленскийсь рисо-вадзъ Пушкинть, М. Горькийть, Сталинть, Чкаловть, Ворошиловть портретснон. Саранский детский технический станциян пионерхне тийсть электрический машинки и колхозонь дворонь макет.

Оцю интерес представляет Ко-ля Абудеевть бензиновой мотор мархта самолетть моделенц фюзе-ляляжец.

Тя упорнай трудть олимпиадань и выставкань участникне посе-щают сянди, кие макссь солнеч-най эряф—Сталинти!